





Ang unom ka miyembro Relief Society sa Kimberley, British Columbia, miorganisar sa usa ka sayaw aron makakuha og pundo sa pagtukod sa Building sa Relief Society sa Salt Lake City.



BELLE S. SPAFFORD  
1945



1949  
Ang mga Relief Society sa Japan giorganisar.



LITRATO SA RELIEF SOCIETY COMMEMORATIVE PLATE SA MAAYONG KABUBUT-ON SA CHURCH HISTORY MUSEUM

1956



Open house sa Relief Society Building.

Gipahinungod niadtong 1956, ang Relief Society Building naghatag og luna alang sa trabaho ug mitinganan sa mga sakop sa board ug Kinatibuk-ang Kapangulohan, sa mga editor sa Relief Society Magazine, ug mga mananahi nga naghimo og mga sinina sa templo.

1960



1966

Ang Relief Society Magazine gisugdan sa pagmantala sa Kinatsila.

1968



1970

Ang katapusang isyu sa Relief Society Magazine.



Ang Ensign nga magasin gisugdan sa pagmantala niadtong Enero 1971.

Ang tanang babaye nga mga miyembro sa Simbahan nga edad 18 ug pataas awtomatik nga nahisakop sa Relief Society.



BARBARA B. SMITH  
1974

Si Belle S. Spafford gitudlo nga presidente sa National Council of Women samtang nagserbisyo isip Kinatibuk-ang Presidente sa Relief Society.

1980

1978

Sa dihang ang tradisyonal nga tahas sa kababayan-an gikwestyon ang mga lider sa Relief Society mitambag sa kaimportante sa mga kontribusyon sa kababayan-an sa pamilya ug katilingban.

1982

Ika-140 nga anibersaryo sa Relief Society.



BARBARA W. WINDER  
1984

Ang Kinatibuk-ang Presidente nga si Barbara B. Smith mipresentar ngadto sa Unang Kapangulohan og usa ka papel nga nagrepresentar sa 226,291 ka gantang nga trigo sa Relief Society nga nagbalar og US \$1,651,157 ug pundo nga kwarta nga sobra sa 750,000 dolyares.



Relief Society, Young Women ug Primary mipasiugda og mga kalihokan ubos sa tema nga "Pasidungog sa mga Babaye."

## Atol sa dugay

nga pagpangalagad sa Kinatibuk-ang Presidente sa Relief Society nga si Belle S. Spafford, ang Relief Society ug ubang mga auxiliary sa Simbahan miapil sa usa ka mas dako nga proseso sa correlation sa Simbahan, gitumong sa pagwagtang sa nagdobleng mga paningkamot, pagpaminos sa mga usik, ug pag-ugmad og kalig-on sa tibuok kalibutan nga simbahan nga paspas kaayong nagtubo. Mga kausaban naglakip sa gi-reorganize sa mga magasin sa Simbahan ug sa katapusan sa independente nga mga bank account.

Samtang maghiusa kita sa pagtrabaho uban sa atong mga kaisogon sa priesthood, sa hinay-hinay mamahimo kitang sama sa katawhan nga nagpuyo sa Zion (tan-awa sa Moises 7:18).

**Sister Reeves:** Kon atong basahon ang "Ang Pamilya: Usa ka Pamahayag ngadto sa Kalibutan", atong makita nga ang Langitnong Amahan mogamit sa mga kalig-on sa mga lalaki ug babaye sumala sa mga tahas ug mga responsibilidad nga makadala sa pinakadaghan sa Iyang mga anak balik ngadto Kaniya.<sup>11</sup> *Ang katuyoan sa Relief Society nagtabang kanato sa pagbuhat niana.*

### 6. Sama sa unsa alang sa inyong kapangulohan nga magtrabaho uban sa mga propeta?

**Sister Burton:** Sama nga si Jesukristo maoy tigpanalipod sa mga babaye sa Iyang panahon, mao usab ang Iyang mga Apostoles sa atong panahon. Ang atong mga propeta detalyado kaayo sa ilang mga diskusyon, kanunay nagtinguha og mga ideya ug panglantaw sa mga sister sa Simbahan. Nanghinaut ko nga ang matag sister sa Simbahan makakita ug makadungog ug mobati sa unsay among nasinati sa among pagpakig-uban kanunay sa mga propeta, mga manalagna,

ug mga tigpadayag. Sila tinuod nga mga disipulo, walay kahakog ug malipayong naghatag sa ilang mga kinabuhi ngadto sa Ginoo samtang nagtinguha sila sa pagbuhat sa Iyang kabubut-on ug nagsalig sa Iyang panahon. Kanunay silang nagpamatuod nga kini nga Simbahan iya ni Jesukristo ug nga Siya nangulo ugnaggiya niini.

**Sister Reeves:** Kon duna kitay interaksyon sa atong mga lider, nga kasagaran namong gibuhay, mas kanunay silang mangutana sa atong mga opinyon. Ang Kaisogon niini nga mga konseho maminaw ug mohatag og bili sa unsay among isulti, ug makigtambayayong sila kanamo sa among komon nga mga tumong.

**Sister Stephens:** Ang Unang Kapangulohan ug ang Korum sa Napulog Duha ka mga Apostoles linain nga mga saksi ni Jesukristo. Nakaila sila Kaniya. Nagkahimo silang sama Kaniya. Busa kon gusto ninyong masabtan ang relasyon sa mga lider sa mga babaye ngadto niini nga mga saksi ni Jesukristo, tan-awa ang Iyang ehemplo diha sa mga kasulatan. Si Jesukristo mipanalipod sa mga babaye, milakip sa mga babaye, ug mihimong halangdon sa mga babaye. Diha sa mga konseho uban sa Kaisogon, kanunay akong mitan-aw kanila ug naghunahuna,

KINATIBUK-ANG PRESIDENTE SA RELIEF SOCIETY LINDA K. BURTON NAKIGHIMAWAT SA MGA ELDER JEFFREY R. HOLLAND UG D. TODD CHRISTOFFERSON



"Usa kini ka gamay nga bahin sa unsay mahimong bation diha sa presensya sa Manluluwas."

### 7. Unsay relasyon tali sa espirituhanong gahum ug sa atong mga pakigsaad?

**Sister Stephens:** Ang espirituhanong gahum moabut kanato pinaagi sa mga ordinansa nga atong madawat ug sa pakigsaad nga atong gihimo. Adunay espirituhanong gahum usab nga moabut gikan sa pagsunod sa atong mga pakigsaad.

Ang espirituhanong gahum moabut kon takus kita nga moambit sa sakrament sa Dominggo. Mao kini ang panahon nga atong mabag-o ang tanang mga pakigsaad nga atong gihimo uban sa Ginoo. Modala kita sa Iyang ngalan ngari kanato, "mohinumdom kaniya," mosunod sa Iyang mga sugo, ug maningkamot nga sa kanunay "makabaton sa iyang Espiritu uban [kanato]" (D&P 20:77, 79).

**Sister Burton:** Niining espirituhanong gahum, si Nephi miingon, "Ako, si Nephi, nakakita sa gahum sa Kordero sa Dios, nga kini mikunsad diha sa mga santos sa simbahan sa Kordero" (1 Nephi 14:14). Dili ba kanang termino nga *mga santos* naglakip sa mga lalaki ug babaye?

Si Nephi nagpadayon sa mao gihapon nag bersikulo sa pag-ingon nga ang gahum sa Kordero sa Dios mikunsad "diha sa mga katawhan sa pakigsaad sa Ginoo, kinsa nagkatibulaag diha sa ibabaw sa yuta; ug sila gisangkapan sa katarung ug uban sa gahum sa Dios sa dako nga himaya." Kita isip "katawhan sa pakigsaad"—mga lalaki ug babaye—mahimong "gisangkapan sa katarung ug uban sa gahum sa Dios sa dako nga himaya." Kini mao ang balaanong padulngan sa tanang anak sa Dios nga mga tiguman og pakigsaad.